

U skladu sa članom 29. Zakona o Javnom RTV sistemu Bosne i Hercegovine, a u vezi sa Odlukom Upravnog odbora Radiotelevizije Bosne i Hercegovine sa sjednice održane dana 21.12.2015. godine, Radiotelevizija Bosne i Hercegovine objavljuje

JAVNI POZIV
za dostavu ponuda za nabavku TV programa od nezavisnih proizvođača

I

Obavještavaju se svi nezavisni proizvođači registrovani u Bosni i Hercegovini da mogu dostavljati ponude BHRT-u, za proizvodnju TV programa za potrebe BHRT-a, pod uvjetima definisanim ovim Javnim pozivom.

II

Javni poziv se odnosi na TV program koji obuhvata slijedeće tematske sadržaje:

- Serijal posvećen afirmaciji poljoprivredne proizvodnje te serijal koji promovira važnost ekološkog obrazovanja
- Serijal posvećen manjinskim zajednicama u BiH
- Putopisni serijal sniman izvan granica BiH, koji promovira i upoznaje s običajima dalekih kultura
- Serijal koji donosi važne informacije o prometu, informativno edukativnog tipa
- Serijal o prostornom uređenju vlastitog doma i okoliša namijenjen širem krugu gledateljstva
- Gastro serijal i kulinarski šou
- Serijal koji prati aktivnosti lokalnih zajednica na teritoriju cijele BiH u cilju promocije lokalnih vrijednosti i ekonomije
- Serijal o zaštiti potrošača
- Serijal koji problematizira odnose s prošlošću i modalitete prevazilaženja trauma – moguće kao pregled aktivnosti NGO na ovu temu uz konkretne primjere

- Serijal posvećen osobama starije životne dobi, aktivno starenje, oblici zdravstvene zaštite, informiranje gledateljstva o važnim pitanjima za ovu zajednicu - omogućiti tumača znakovnog jezika
- Intervju ili talk show
- Magazin o digitalnim tehnologijama edukativnog sadržaja za mlade
- Škola engleskog jezika za djecu
- Kolažni program s lutkama ili animacijom za djecu predškolskog uzrasta
- Dokumentarni program o dječijim pravima
- Serije za djecu i mlade
- Igrani i animirani, dugometražni filmovi za djecu
- Domaći kviz
- Zabavno muzički i muzičko-dokumentarni program

III

Teritorijalni opseg prava koja se otkupljuju su isključiva prava na području cijelog svijeta.

Vremenski opseg prava koja se otkupljuju je trajan i neograničen, od dana potpisa Ugovora.

Radiotelevizija Bosne i Hercegovine ima prava na trajno i neograničeno emitovanje TV programa, na programu BHT1, internetu i ostalim medijima BHRT-a, u cjelosti i parcijalno, na zemaljskoj, satelitskoj i kablovskoj mreži.

BHRT je isključivi vlasnik TV programa i ima pravo na sve vidove eksploatacije.

IV

U TV programu se moraju poštivati načela javnih RTV servisa, sukladno Zakonu o javnom Radiotelevizijskom sistemu Bosne i Hercegovine i Zakonu o javnom Radiotelevizijskom servisu Bosne i Hercegovine.

U TV programu koji je predmet nabave nije dozvoljeno prikriveno oglašavanje niti plasman proizvoda, niti drugi komercijalni aspekti, bez saglasnosti BHRT-a.

V

U postupku nabave, kao ponudači mogu učestvovati nezavisni proizvođači registrirani za obavljanje predmetne djelatnosti u Bosni i Hercegovini, o čemu su dužni dostaviti adekvatne dokaze.

U postupku nabave mogu sudjelovati zastupnici nezavisnih proizvođača, ukoliko uz Ponudu prilože pravno valjan dokument.

VI

Ponudač dostavlja ponudu poštom ili on line, a ponuda mora sadržavati:

- tačan naziv ponuđača i kontakte
- sinopsis i scenarij djela /TV programa, a za TV program u nastavcima potrebno je dostaviti sinopsise svih nastavaka, broj gotovih scenarija i dinamika
- razrađenu ideju za TV projekat
- pilot emisiju
- garanciju da je djelo/TV program original, kao i garancije Proizvođača o regulisanju autorskih, izvođačkih i prava sa trećim licima, koji su učestvovali u izradi TV programa odnosno dokaz o riješenim autorskim pravima za sinopsise i scenarije za korištenje u skladu sa uvjetima iz Poziva, kao i ostalih prava, tako da Radiotelevizija Bosne i Hercegovine nema apsolutno nikakvih obaveza prema autorima, izvođačima i trećim licima, te da se Proizvođač obavezuje snositi sve troškove, u slučaju eventualnih materijalnih potraživanja navedenih lica
- operativni i finansijski plan
- specifikaciju tehničkih uvjeta snimanja i obrade projekta
- rok za isporuku TV programa
- medij / TV program
- reference autorskog tima i proizvođača

-Ponuda se dostavlja sa istaknutom cijenom u KM.

VII

Tehnicki standard isporucenog materijala je file oblik, SD kvaliteta, standard DV PAL 25, rezolucija 720 x 576, format slike 16:9, kvalitet enkodiranja VBR 25 Mbps, file kontejner MXF (Op1-a), video kodek DVCPRO, reference audio level -18dB, u skladu sa propisanim standardima RTV produkcije Radiotelevizije Bosne i Hercegovine za prihvatanje TV programa.

VIII

Kod odabira TV programa, prednost imaju Ponudači sa obezbijeđenim finansiranjem od strane sponzora.

Ovaj Javni poziv će biti stalno otvoren.

Nepotpune ponude neće se razmatrati.

IX

Radiotelevizija Bosne i Hercegovine zadržava pravo da ne odabere niti jednog ponuđača, bez obaveze obrazlaganja razloga za neprihvatanje Ponude.

Ponuđačima koji ne budu izabrani, svi materijali će biti vraćeni.

X

Nakon odabira Ponude, Ponudač se obavezuje priložiti dokumente kojima potvrđuje da su sva autorska i srodna prava (arhivska građa, fotografije, animacije, muzika...) za ponuđeni TV program, u skladu sa odredbama Zakona o autorskom pravu i srodnim pravima, tako da Radiotelevizija Bosne i Hercegovine nema apsolutno nikakvih obaveza

uređivanja odnosa ili plaćanja po tom osnovu prema ponuđacu, autoru, izvođaču ili bilo kojem trećem licu.

Sa odabranim ponuđačem zaključit će se ugovor.

Za zaključenje ugovora, Ponuđač je obavezan prije potpisivanja Ugovora dostaviti:

- Izvod iz sudskog registra
- Uvjerenje da nije pod stečajem ili pred likvidacijom, ne starije od tri mjeseca
- Uvjerenje da nije osuđen u sudskom postupku za kršenje zakona u smislu njegovog poslovnog ponašanja u periodu od pet godina, koji je prethodio datumu podnošenja ponude, ne starije od tri mjeseca
- Uvjerenje da nije proglašen krivim za ozbiljan profesionalni prekršaj od strane nadležnog suda u periodu od pet godina, koji je prethodio datumu podnošenja ponude, ne starije od tri mjeseca.